

Besplatna obuka za mlade u okviru Regionalnog programa lokalne demokratije na Zapadnom Balkanu

Regionalni program lokalne demokratije na Zapadnom Balkanu kojeg finansira Evropska unija (EU), a implementira Razvojni program Ujedinjenih nacija (UNDP) poziva mlade osobe na besplatni program neformalnog obrazovanja iz oblasti „Digitalnog marketinga (META certifikat)“

PRAVO UČEŠĆA

Učešće u obuci mogu ostvariti mlade osobe uzrasta od 18 do 30 godina koje su u potrazi za poslovnim prilikama, a koje imaju dalje u tekstu navedeni status. Prednost u svakoj od kategorija će imati osobe sa invaliditetom.

- Prebivalište na području jedne od 13 partnerskih gradova/općina/opština ReLOaD2 projekta: Bihać, Centar Sarajevo, Gacko, Goražde, Grad Istočno Sarajevo, Gradiška, Mostar, Novo Sarajevo, Prijedor, Prozor-Rama, Rudo, Ugljevik i Vitez (potvrda o prebivalištu)
- Nezaposlene mlade osobe (dokaz: potvrda sa evidencija Zavoda / Uvjerjenje porezne uprave o doprinosima)
- Studenti/ice (dokaz: potvrda o studiranju)

U slučaju nedovoljnog broja prijava ReLOaD2 projekat će uzeti u obzir kandidate/kinje do navršenih 35 godina kao i zaposlene mlade osobe.

Obuka iz oblasti Digitalnog marketinga (META certifikat)

Uz mentorstvo iskusnog stručnjaka, polaznici i polaznice ove obuke će kroz napredan i dinamičan program istražiti svijet digitalnog marketinga i oglašavanja te steći besplatan certifikat Meta Blueprint Academy (Meta Certified Digital Marketing Associate). Program će omogućiti sticanje ključnih vještina i znanja o Meta platformama poput Facebooka, Instagrama i drugih. Mentor će pružati praktične zadatke kako bi polaznici i polaznice savladali ne samo teoriju već i praktične aspekte digitalnog marketinga. Pored toga, učesnici i učesnice će savladati osnovne vještine potrebne za upravljanje društvenim mrežama i kreiranje učinkovitih oglasa. Pored grupnih časova, predviđena je i podrška jedan na jedan tokom svih faza obuke, gdje će učesnici i učesnice dobiti individualnu pažnju i savjete prilagođene njihovim potrebama. Učesnici i učesnice će dobiti korisne savjete i konstruktivne povratne informacije, čime će biti osposobljeni da uspješno polože certifikaciju.

Saznajte više na: [Meta Certified Digital Marketing Associate](#)

Obuka je namjenjena mladima koji žele da prošire već postojeće znanje, nauče nešto potpuno novo ili promjene svoju karijeru.

Dodatne informacije

Trajanje obuke: šest sedmica (jul- avgust)

Format izvođenja obuke: online, tri puta sedmično

Planirani broj učesnika: 20 mladih osoba

VAŽNA NAPOMENA:

U slučaju velikog broja prijavljenih ReLoaD2 projekat će obaviti intervju sa prijavljenim kandidatima.

Prednost prilikom izbora učesnika/ca imaju nezaposlene mlade osobe koje se vode na evidenciji službi/zavoda za zapošljavanje a nakon toga studenti/ce.

NAČIN PRIJAVE:

Polaznici/ce se prijavljuju putem [ONLINE FORMATA](#)

Popunjavanjem online formata neophodno je priložiti sljedeće dokumente:

- Potvrda o evidenciji koju izdaje Zavod / Služba za nezaposlene (za nezaposlene osobe)
- Potvrda o studiranju (za studente)
- Potvrda o prebivalištu (CIPS) za sve koji se prijavljuju

Ovaj poziv ostaje otvoren najkasnije do **10. jula 2024. do 17h.**

Nakon što se provede konkursna procedura (koja može uključivati intervju), odabrani kandidati će dobiti obavještenje putem emaila sa detaljnim informacijama.

Za sva dodatna pitanja pošaljite email na registry.ba@undp.org sa naznakom – Besplatne certificirane obuke ReLoaD2 projekat.